



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 145. Morituri Eugeni verba ad Cardinales

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

ximæ angustias velare conabatur. Ve-
rum statuta obitus hora appropinquante, A. C. 1447.
irrita erat cum morte pugna; cum igitur
modicum vitæ spacium sibi superesse
cognosceret, omnes, quotquot Romæ
agebant, Cardinales ad suum cubile accer-
siri iussit, quos impavido, ac forti animo
hunc in modum allocutus est.

§. CXLV.

*Morituri Eugenii verba ad
Cardinales.*

*Meum tempus, meusque dies est, Venerabi-
les amatique fratres, moriendum est
mihi; nec naturæ legibus queror, diu vixi,
& honoratus; utinam officio meo satisfacis-
sem, sed voluntatem magis quam opera re-
spicit Deus. Mihi Pontificatus, etsi spe-
ranti, non tamen ambienti obvenit, multa
acciderunt adversa, dum Sedi præsumimus A-
postolicæ; non tamen idcirco minus acceptos
Nos Deo credimus, quia quos diligit, Deus
corrigit atque castigat, nec male esset acturus,
si cum hominibus renuit, qui cum fortunæ
varietate luctantur, sed esse arcanas causas
ad quas nulla mortalium curiositas potest
pervenire . . . Ceterum quia jam horæ no-
stræ subripiuntur, modicumque vobiscum
ero; quia vocor ad Iudicem, Regem, & Pa-
trem, testari prius volumus, testamentumque
Domini nostri Iesu Christi vobis relin-
quere,*

Sæcul. XV. A. C. 1447. *quere, qui transiturus ex mundo ad Patrem, pacem meam, dixit, relinquo vobis. Ego vos omnes præter unum Cardinales creavi, & illum unum quasi Filium tractavi, amavique: omnes mei estis fratres, obsecro dilectissimi, servate vinculum pacis, diligite invicem, non sint inter vos schismata, adimplete legem Christi, & alter alterius onera portate. Mox vacatura est Apostolica Sedes, scitis, quem Virum cupiat hoc solium: eligite Successorem, qui me doctrina, & moribus superet: nulla vos affectio seducat, non privatæ rei, sed publicæ consulite. Ceterum si me audieritis, mediocrem Virum unanimiter, quam præstantissimum discorditer eligitis, ubi pax, ibi & Spiritus Dei est... Verum ne me mortuo, de funere disputetis; quod in ceremoniis Pontificum scriptum est, id solum facite, nemo amplius agat, nec funus adornet meum, absint pompæ & inanis gloria sepulturæ: apud Eugenium III, cuius nomen gero, humili loco sepeliri libet.*

§. CXLVI.

Eugenius Papa extrema Unditione recepta, mortuus.

Antonin. tit. 22, cap. 12. **H**æc verba graviter adeo enunciabat Sanctissimus Pater, ut Cardinales a lacrimis sibi temperare haud possent, & aliquamdiu silentio suspensi, tandem Pontificem rogarent, ut Cardinalem Capuanum